

**BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA NADZOR OSIGURANJA
FEDERACIJE BOSNE I HERCEGOVINE
SARAJEVO**

Na osnovu člana 130. Zakona o osiguranju („Službene novine Federacije BiH”, br. 23/17 i 103/21), člana 11. stav 2. Zakona o obaveznim osiguranjima u saobraćaju („Službene novine Federacije BiH”, br. 57/20 i 103/21) i člana 12. Statuta Agencije za nadzor osiguranja Federacije Bosne i Hercegovine („Službene novine Federacije BiH”, broj 84/17) Stručni savjet Agencije za nadzor osiguranja Federacije Bosne i Hercegovine na 5. sjednici održanoj 28. 04. 2022. godine, donosi

**ODLUKU O IZMJENAMA I DOPUNAMA
ODLUKE O NAČINU UTVRĐIVANJA TARIFE PREMIJE I CJENOVNIKA ZA OSIGURANJE VLASNIKA
VOZILA OD ODGOVORNOSTI ZA ŠTETU PROUZROKOVANU TREĆIM LICIMA**

Član 1.

U Odluci o načinu utvrđivanja tarife premije i cjenovnika za osiguranje vlasnika vozila od odgovornosti za štetu prouzrokovanu trećim licima („Službene novine Federacije BiH”, broj 77/20), (u daljem tekstu: Odluka) u članu 9. stav (1) mijenja se i glasi:

„(1) Osiguranik ima pravo na „bonus“, odnosno obavezu na „malus“, prilikom zaključenja ugovora o osiguranju od autoodgovornosti za određeno vozilo u svim premijskim grupama, izuzev kod premijskih grupa 8 i 11 (motorna vozila inostrane registracije i vozila s prenosivim tablicama) i kod posebnih oblika osiguranja. Kod osiguranja oldtimer vozila osiguranik ima pravo na „bonus“, odnosno obavezu na „malus“ prilikom zaključenja ugovora o osiguranju od autoodgovornosti. Oldtimer vozilo je motorno vozilo koje:

- a) je proizvedeno prije trideset i više godina;
- b) je radi njegovanja historijskih naslijeđa i tehničke kulture očuvano ili ponovo sastavljeno u izvornom obliku;
- c) se ne koristi u svakodnevnom saobraćaju;
- d) je klasificirano kao oldtimer vozilo u skladu s odredbama Pravilnika o postupku i načinu registracije oldtimer vozila („Službeni glasnik BiH”, broj 9/19).“

Član 2.

U članu 12. stav (1) iza tačke 10. dodaje se nova tačka 11. koja glasi:
„11. Vozila s prenosivim tablicama.“

Član 3.

U članu 13. stav (3) mijenja se i glasi:
„(3) Za osiguranje „rent a car“ vozila obračun odgovarajuće osnovne premije se uvećava za 100%.“

Član 4.

Iza člana 22. dodaje se novi član 22.a koji glasi:

„Član 22.a

(Premijska grupa 11 – Prenosive tablice)

- (1) Za osiguranje od autoodgovornosti na osnovu rješenja izdatog od strane nadležnog organa kojim se odobrava izdavanje prenosivih tablica u skladu s registrovanom djelatnosti pravnog ili fizičkog lica poduzetnika koji se bavi proizvodnjom, nadogradnjom, servisiranjem,

prevozom ili prodajom vozila na malo, a kojem je odobreno korištenje prenosivih tablica, premija se utvrđuje na godišnjem nivou i iznosi:

Grupa vozila	Godišnja premija (KM)
1. za korištenje na vozilima iz premijske grupe 1. putnički automobili	580
2. za korištenje na vozilima iz premijske grupe 2. teretna vozila	1.100
3. za korištenje na vozilima iz premijske grupe 3. autobusi	1.080
4. za korištenje na vozilima iz premijske grupe 4. vučna vozila - vučna vozila	160
5. za korištenje na vozilima iz premijske grupe 4. vučna vozila - sedlasti tegljači	3.185
6. za korištenje na vozilima iz premijske grupe 5. specijalna motorna vozila	230
7. za korištenje na vozilima iz premijske grupe 6. motocikli	190
8. za korištenje na vozilima iz premijske grupe 7. priključna vozila	50
9. za korištenje na vozilima iz premijske grupe 10. radna vozila	145

- (2) Za osiguranje od autoodgovornosti za prenosive tablice koje će se koristiti na vozilima iz više premijskih grupa za osiguranje iz stava (1) ovog člana premija se računa na način:
- za osiguranje vozila iz dvije premijske grupe, premija osiguranja se računa na način da se premije određene za pojedine premijske grupe iz stava (1) ovog člana saberu i pomnože s koeficijentom 0,85,
 - za osiguranje vozila iz tri premijske grupe, premija osiguranja se računa na način da se premije određene za pojedine premijske grupe iz stava (1) ovog člana saberu i pomnože s koeficijentom 0,75,
 - za osiguranje vozila iz četiri premijske grupe, premija osiguranja se računa na način da se premije određene za pojedine premijske grupe iz stava (1) ovog člana saberu i pomnože s koeficijentom 0,65,
 - za osiguranje vozila po svim premijskim grupama, premija osiguranja se računa na način da se premije određene za pojedine premijske grupe iz stava (1) ovog člana saberu i pomnože s koeficijentom 0,50.
- (3) Na policama osiguranja izdatim u skladu sa st. (1) i (2) ovog člana obavezno je upisati:
- za koje premijske grupe je policica osiguranja izdata;
 - da policica osiguranja ima prilog.
- (4) Obavezni prilog iz stava (3) tačka b) ovog člana, koji je sastavni dio police osiguranja, sadrži sljedeće podatke:
- osiguranje vrijedi samo na teritoriji Bosne i Hercegovine i vrijedi za vozila koja se kreću do mjesta carinjenja, homologacije, servisiranja, prodajnog i izložbenog mjesta, mjesta atestiranja, mjesta skladištenja/čuvanja, mjesta nadogradnje i za vozila kojima se obavlja eksperimentalna vožnja ali najviše 30 kilometara od mjesta registrovanog mjesta sjedišta ili registrovane podružnice u kojoj obavlja registrovanu djelatnost,
 - broj i datum izdavanja rješenja od strane nadležnog organa kojim se odobrava izdavanje prenosivih tablica u skladu s registrovanom djelatnosti pravnog ili fizičkog lica poduzetnika.
- (5) U toku trajanja osiguranja na policama osiguranja izdatim u skladu sa st. (1) i (2) ovog člana mogu se vršiti izmjene na polici osiguranja u smislu dodavanja dodatne vrste vozila.
- (6) Doplata premije u slučaju izmjene iz stava (5) ovog člana se računa na način da se premija iz stava (1) ovog člana obračunava za dodatnu premijsku grupu i doplaćuje za preostali broj

dana do isteka osnovne police po principu „pro rata temporis“. U slučaju doplate ne primjenjuju se odredbe stava (2) ovog člana.

- (7) Trajanje police osiguranja je određeno trajanjem prenosivih tablica.
- (8) Prekid police osiguranja izdate u skladu sa st. (1), (2) i (5) ovog člana može se izvršiti samo u slučaju da osiguranik dostavi zahtjev uz koji će priložiti dokument nadležnog organa kojim se dokazuje da su prenosive tablice i potvrda o registraciji vraćeni nadležnom organu. Navedeni prekid police vrši se s datumom podnošenja kompletiranog zahtjeva za prekid.
- (9) U slučaju prekida police osiguranja iz stava (8) ovog člana primjenjuju se odredbe iz člana 8. stava (4) ove Odluke.“

Član 5.

Član 23. mijenja se i glasi:

„Član 23.

(Posebni oblici osiguranja)

- (1) Za pojedinačno osiguranje od autoodgovornosti motornih vozila s probnim tablicama, s pokrićem na području Bosne i Hercegovine, premija se računa shodno tabeli za osiguranje kraće od godinu dana (član 5. stav (2) ove Odluke).
- (2) Uz osiguranje od autoodgovornosti vozila s probnim tablicama ne može se izdati međunarodna karta osiguranja tzv. "zelena karta", a na polici osiguranja od autoodgovornosti vozila s probnim tablicama se obavezno upisuje klauzula teritorijalnog pokrića samo na području Bosne i Hercegovine.
- (3) Za pojedinačno osiguranje od autoodgovornosti motornih vozila, s privremenim registarskim tablicama, s pokrićem na području zemalja članica "zelene karte" premija za trajanje osiguranja do 30 dana iznosi:
 - a) putnički automobili 23,50% osnovne premije osiguranja,
 - b) vučna vozila, motocikli i prikolica 11,70% osnovne premije osiguranja
 - c) sedlasti tegljači i ostale vrste vozila 59,10% osnovne premije osiguranja.
- (4) Za osiguranje od autoodgovornosti oldtimer vozila, koje se dokazuje na osnovu identifikacione isprave oldtimer vozila, izdate u skladu s Pravilnikom o postupku i načinu registracije oldtimer vozila („Službeni glasnik BiH“, broj 9/19), premija se računa na način propisan u članu 13. (Premijska grupa 1 - putnički automobili) ove Odluke u skladu s pripadajućom premijskom podgrupom.“

Član 6.

U Cjenovniku za osiguranje od autoodgovornosti u Federaciji Bosne i Hercegovine PREMIJSKA GRUPA 6-MOTOCIKLI mijenja se i glasi:

PREMIJSKA GRUPA 6 - MOTOCIKLI

Podgrupa	Radni obim motora	% osnovne premije osiguranja	Premijski razredi s pripadajućim bonusima odnosno malusima													
			P14.	P13.	P12.	P11.	P10.	P9.	P8.	P7.	P6.	P5.	P4.	P3.	P2.	P1.
01.	do 50 ccm	8,30	100	80	60	50	40	30	20	10	0	10	20	30	40	50
02.	preko 50 ccm - 100 ccm	16,00	126	113	101	95	88	82	76	69	63	57	50	44	38	32
03.	preko 100 ccm - 175 ccm	21,10	168	151	134	126	118	109	101	92	84	76	67	59	50	42
04.	preko 175 ccm - 250 ccm	27,30	216	194	173	162	151	140	130	119	108	97	86	76	65	54
05.	preko 250 ccm - 500 ccm	47,80	378	340	302	284	265	246	227	208	189	170	151	132	113	95
06.	preko 500 ccm - 750 ccm	92,10	730	657	584	548	511	475	438	402	365	329	292	256	219	183
07.	preko 750 ccm	139,20	1.102	992	882	827	771	716	661	606	551	496	441	386	331	276
Podgrupa	Snaga elektromotora (kWh)	% osnovne premije osiguranja	Premijski razredi s pripadajućim bonusima odnosno malusima													
			P14.	P13.	P12.	P11.	P10.	P9.	P8.	P7.	P6.	P5.	P4.	P3.	P2.	P1.
08.	do 4 kWh	8,30	100	80	60	50	40	30	20	10	0	10	20	30	40	50
09.	preko 4 kWh - 10 kWh	16,00	126	113	101	95	88	82	76	69	63	57	50	44	38	32
10.	preko 10 kWh - 18 kWh	21,10	168	151	134	126	118	109	101	92	84	76	67	59	50	42
11.	preko 18 kWh - 26 kWh	27,30	216	194	173	162	151	140	130	119	108	97	86	76	65	54
12.	preko 26 kWh - 35 kWh	47,80	378	340	302	284	265	246	227	208	189	170	151	132	113	95
13.	preko 35 kWh - 45 kWh	92,10	730	657	584	548	511	475	438	402	365	329	292	256	219	183
14.	preko 45 kWh	139,20	1.102	992	882	827	771	716	661	606	551	496	441	386	331	276

Iza PREMIJSKE GRUPE 10-RADNA VOZILA dodaje se nova PREMIJSKA GRUPA 11 koja glasi:

PREMIJSKA GRUPA 11 - PRENOSIVE TABLICE

Podgrupa	Grupa vozila	KM
01.	za korištenje na vozilima iz premijske grupe 1. putnički automobili	580
02.	za korištenje na vozilima iz premijske grupe 2. teretna vozila	1.100
03.	za korištenje na vozilima iz premijske grupe 3. autobusi	1.080
04.	za korištenje na vozilima iz premijske grupe 4. vučna vozila - vučna vozila	160
05.	za korištenje na vozilima iz premijske grupe 4. vučna vozila - sedlasti tegljači	3.185
06.	za korištenje na vozilima iz premijske grupe 5. specijalna motorna vozila	230
07.	za korištenje na vozilima iz premijske grupe 6. motocikli	190
08.	za korištenje na vozilima iz premijske grupe 7. priključna vozila	50
09.	za korištenje na vozilima iz premijske grupe 10. radna vozila	145
10.	za osiguranje dvije premijske grupe, premija osiguranja se računa na način da se premije određene za pojedine podgrupe od 01. do 09. saberu i pomnože s koeficijentom 0,85,	
11.	za osiguranje tri premijske grupe, premija osiguranja se računa na način da se premije određene za pojedine podgrupe od 01. do 09. saberu i pomnože s koeficijentom 0,75,	
12.	za osiguranje četiri premijske grupe, premija osiguranja se računa na način da se premije određene za pojedine podgrupe od 01. do 09. saberu i pomnože s koeficijentom 0,65,	
13.	za osiguranje po svim premijskim grupama, premija osiguranja se računa na način da se premije određene za pojedine podgrupe od 01. do 09. saberu i pomnože s koeficijentom 0,50.	

Član 7.

Ova Odluka stupa na snagu osmog dana od dana objave u „Službenim novinama Federacije BiH“.

PREDSJEDNIK
STRUČNOG SAVJETA

mr. sci. Edita Kalajdžić

Broj: 021-1592-1/22
Sarajevo, 28.04.2022. godine